

انا شوكة ف زور عواد



لفيت بلاد وبلاد

ماكنت يوم عواد

ولا بعت شبر ف أرض

صاين كمان ف العرض

والكل يشهدلي

(فارس) مع عدلي

أدوا كمان الفرض

لفوها شرق وغرب



ما عرفت طول من عرض

يام القوام ممشوق

خليني لحظة أفوق

يمكن أدندتك

غنيوه أو موال

ترجع لبيت عواد

يعرفها لحن جديد

يدفعني للبسمة

كل اللي قلبه حديد

حنشيله م الرسمة

نرسم بريشة وفن

فوق الرموش خفة

جوا الشفاه بسمات

جوا القلوب عفة

تحمينا عند ممات

.....

